

中一音但是教本。非即是教。教乃在機。隨機不同。今分彼教。故淨名云。佛以一音

演說法。衆生各各隨所解。今分隨所解耳。其猶長風是一。百竅異吹。豈以一風不

殊。便謂百竅齊響。一雨亦就佛說。三草即就機殊。今分三草教殊。非析一雨令異。

故經云。雖一地所生。一雨所潤。而諸草木各有差別。以一音一雨義相不異。故但

說一音。三三中。本意未申者。如佛本為一大。事出現於世。四十餘年

未顯真實。今分一代時教。豈妨判有淺深。言隨他意語者。佛有三語。一隨自意語。

說自所證一實等故。二隨他意語。一向方便引衆生故。三隨自他意語。半稱自證。

半隨機故。今分後之二語。不分初一隨自意也。四中。言有通別者。如

前所引。此通隨聞異解。有不通者。就此分之。如說人空法有。斯即小乘。不可名大。

若說二空。此可名大。不得名小。說有五性。非是一性。說一性處。非是說五。如是等

文。無容異解。故須分之。五中有二義故。雖分權實不成枝流。續金記作流。下同。

一善會佛意。所說權教。乃是隨宜。所說實者。稱理究竟。二有開顯者。說彼權教。是